

# INUIT ATAQATIGIIT INATSISARTUNI



UKA2022/129

Ulloq saqqummiivik: 29.Sept.2022

Illit atit: Mikivsuk Thomassen

## **Uunga siunnersuut: Ikiaroorartut pillugit Inatsisartut inatsisaat.**

(Meeqqanut, Inuusuttunut, Ilaqutariinnut Peqqissutsimullu Naalakkersuisoq)

Siunnersuut pisariaqarluinnartutut isigisariaqarpoq. Inuit Ataqatigiit nunatsinni peqqissumik inuuneqarnissaq pingaartillugu, ulluinnarni tarnimikkut timimikkullu anniaateqartortavut eqqarsaatigalugit cannabisoliep anniarnaveersaatitut atugaalernissaa Tamannami cannabisoliep anniarnaveersaatitut atornissaa pillugu Inuit Ataqatigiit qinigaaffimmi ukiuni siuliani angusaqarluarsimavugut. Anguniagaavoq inuiaqatigiinni nalinginnaasumik inuunerup pitsaassusaata qaffassarnissaa, inuiaqatigiit inuiattut inerikkiartornerannut peqataasinnaasut tamaasa pisariaqartikkatsigik.

Tamatumani sanngiinnerusut, soorlu tarnimikkut timimikkullu anniaatillit nappaatillillu immikkut eqeersimaarfiginissaat pingaartuuvoq. Inuit aalajangersimasumik aamma immikkuullarilluinnartumik nappaatillit nunatsinni peqqinnissaqarfiup tungaaniit ikiorserneqarsinnaanissaat periarfissaalatsisarnerat aaqqiiviginiarlugu. Inuppassuit immikkuullarissumik timimikkut tarnimikku anniaatillit, qaqutigoortumillu nappaateqartut peqqinnissaqarfimmi suleriaatsip pitsaasumik sullissinermikkut matussusersinnaasangikkaat tamanit naluneqanngilaq. Taamaattumik 0,2 procentimik THC-mik akulinnik cannabisimik nioqqutissat nunatsinni inerteqqutaajunnaarsinnissaannut nunatsinni innuttaasut pillugit

# INUIT ATAQATIGIIT INATSIARTUNI



cannabisoliemik 0,2%-imik THC-talinnik nakorsat aaliangersinnaanlernissaat pissusissamisoorpoq.

Erseqqissaatigissavara allatigut aanngajaarniutitut atorneqangilluinnarnissaa kissaatigigatsigu.

Cannabisoliemik atuilersinnaaneq timikkut tarnikkullu nakorsaatitut atuutsinneqalernissaanut tunngatillugu inuttaassunut anniaateqartunut taamaallaat naqissuserneqarnissaa pingaaruteqarpoq.

Nunatsinni innuttaasut peqqissutsikkut isumassortariaqartut ullumikkornit pitsaanerusumik imminnut ikiorsersinnaanissaminnut periarfissaqartinneqartariaqarput.

Inuit Ataqatigiinniit nuannaarutigaarput suliassatut ingerlannikuusarput UKA 2019 Imm. 128 akuersissutigineqarnikuusoq massakkumut uunga killissimammat.

Taamaattumik oqaaseqarluta Inuit Ataqatigiinniit tamakkiisumik taperserparput, Ilaqutariinnermut Peqqissutsimullu Ataatsimiititaliamut ingerlateqqillugu.